

**ZAVOD ZA JAVNO ZDRAVSTVO
TUZLANSKOG KANTONA**

Broj: 07-140-14/25

Datum: 31.10.2025. godine

Na osnovu člana 70. Zakona o javnim nabavkama Bosne i Hercegovine („Službeni glasnik BiH“ broj: 39/14, 59/22, 50/24) direktor donosi

ODLUKU
o izboru najpovoljnijeg ponuđača u predmetu javne nabavke informatičke opreme

I

Prihvata se preporuka Komisije za javne nabavke broj: 07-140-13/25 od 21.10.2025. godine i Ugovor o javnoj nabavci informatičke opreme za potrebe Ugovornog organa dodjeljuje se ponuđaču Imel d.o.o. Lukavac sa ukupnom cijenom ponude od 12.800,00 KM bez PDV-a odnosno 14.976,00 KM sa PDV-om kao najpovoljnijem ponuđaču.

II

Ugovor o nabavci iz prethodnog člana ponudiće se izabranom ponuđaču u roku od 10 dana od dana dostavljanja ove Odluke.

III

Odluka stupa na snagu danom donošenja.

O b r a z l o ž e n j e

Zavod za javno zdravstvo Tuzlanskog kantona je pokrenuo postupak javne nabavke informatičke opreme broj: 07-140-3/25 od 08.10.2025. godine putem konkurentskog zahtjeva za dostavu ponuda, za koji je objavljeno obavještenje na portalu javnih nabavki pod brojem 1247-7-1-294-3-16/25 dana 08.10.2025. godine i u Službenom glasniku BiH, broj 59/25 od 10.10.2025. godine, a na osnovu Odluke Upravnog odbora Zavoda za javno zdravstvo Tuzlanskog kantona broj 02-966-1/25 od 26.09.2025. godine.

Tenderska dokumentacija je objavljena na portalu javnih nabavki i istu je preuzelo 35 potencijalnih ponuđača. Za predmetni postupak predviđeno je provođenje e-aukcije.

U roku za dostavljanje ponuda zaprimljena je jedna ponuda i to ponuda ponuđača Imel d.o.o. Lukavac.

Nakon isteka roka za prijem ponuda Komisija za nabavke (u daljem tekstu: Komisija) je pristupila javnom otvaranju pristigle ponude i konstatovala da je ponuda ponuđača Imel d.o.o. Lukavac blagovremena i ispravno zapečaćena te da je ista zaprimljena u ukupnom iznosu od 12.800,00 KM bez PDV-a odnosno 14.976,00 KM sa PDV-om. Po završetku otvaranja zaprimljene ponude Komisija je sačinila zapisnik, koji je, u skladu sa članom 63. stav (6) Zakona o javnim nabavkama BiH (Službeni glasnik BiH broj: 39/14, 59/22, 50/24), isti dan dostavljen ponuđaču putem fax-a.

Prilikom pregleda i ocjene zaprimljene ponude, Komisija je konstatovala da je ponuda ponuđača Imel d.o.o. Lukavac u ukupnom iznosu od 12.800,00 KM bez PDV-a odnosno 14.976,00 KM sa PDV-om, kompletna i da ispunjava sve uslove postavljene tenderskom dokumentacijom, kao i da je imenovani ponuđač ponudio informatičku opremu koja odgovara tehničkoj specifikaciji iz tenderske dokumentacije, te je shodno navedenom ponuda imenovanog ponuđača prihvatljiva ponuda za Ugovorni organ.

Obzirom da je primljena jedna prihvatljiva ponuda e-aukcija se, u skladu sa članom 4. stav (2) Pravilnika o uslovima i načinu korištenja e-aukcije („Službeni glasnik BiH“ broj: 80/23), ne zakazuje, nego će se postupak okončati u skladu sa članom 69. Zakona.

Shodno navedenom, Komisija je predložila da se ponuda ponuđača Imel d.o.o. Lukavac u ukupnom iznosu od 12.800,00 KM bez PDV-a odnosno 14.976,00 KM sa PDV-om prihvati, te je donešena odluka kao u dispozitivu.

Pouka o pravnom lijeku:

Protiv ove odluke može se izjaviti žalba Uredu za razmatranje žalbi putem ovog Ugovornog organa najkasnije u roku od pet dana od dana prijema odluke o izboru najpovoljnijeg ponuđača.

Dostaviti:

1. Ponuđaču
2. a/a

DIREKTOR

Prim.dr.med. Sarihodžić Majda,

MA menadžmenta

